



書卷之一



蔡沉集傳



夏書

夏禹有天下之號也。書凡四篇。禹貢作於虞時。而係之夏書者。禹之王以是功也。

釋音

夏反。夏傳。

王于放反。帝王世紀云。禹受封于河南陽翟。夾祭鄭氏云。

禹封陝州夏縣。宋知孰是。

禹貢

上之所取謂之賦。下之所供謂之貢。是篇有貢有賦。而獨以貢名篇者。孟子曰。

禮傳卷二

夏后氏五十而貢。貢者較數歲之中。以為常。則貢又夏后氏田賦之總名。今文

古文音。皆音。恭。

禹敷土。隨山刊木。奠高山大川。

敷分也。分別土地以為九州也。奠定也。定高山大川以別州境也。若兗之濟。河青之海岱。揚之淮海。雍之黑水。西河。荆之荆。衡。徐之海。岱。淮。豫之荆。河。梁之華。陽。黑水。是也。方洪水橫流。不辨區域。禹分九州之地。隨山之勢。相其便宜。斬木通道。以治之。又定其山之高者。與其川之大者。以為之紀綱。此三者。禹治水之要。故作書者。首述之。曾氏曰。禹別九州。非用其私智。天文地理區域各定。故星土之法。則有九野。而在地者。必有高山大川。為之

限隔風氣爲之不通。民生其間，亦各異俗。故禹因高山大川之所限者，別爲九州。又定其山之峻，水之深，大者爲其州。釋音寒丘。別筆列反。下同。濟子禮反。雍於用反。華，胡化。胡瓜二反。相去聲。治平聲。後凡言治水者，倣此。星土之法，周禮保章氏以星土辨九州之地。所封註云：星土，星所主土也。星紀吳越，玄。朽齊，姬訾衛，降婁魯，大梁趙，實沈晉，鶉首秦。鶉，火周，鶉尾楚，壽星鄭，大火宋，析木燕。詳見漢晉書天文志。九野，淮南子天文訓云：天有九野，高誘註：九天之野也。其說以中央八方野與前說畧同，氣爲去聲。

# 冀州

書存卷二

# 既載壺口

冀州，帝都之地。三面距河，兗河之西，雍河之東，豫河之北。周禮職方河內曰：冀州是也。九州皆言疆界，而冀不言者，以餘州所至可見。晁氏曰：亦所以尊京師，示王者無外之意。

經始治之，謂之載壺口。山名，漢地志在河東郡北，屈縣東南。今隰州吉鄉縣也。○今接既載云者，冀州帝都之地，禹受命治水所始在。所當先經始壺口等處，以殺河勢，故曰既載。然禹治水，施功之序，則皆自下流始。故次兗，次青，次徐，次揚，次荆，次豫，次梁，次雍，兗最下。故所先雍最高，故獨後禹言予決九川，距四海，濬畎澮，距川，即其用工之本末。先決九川，以距川則水之小者有所泄，皆自下流以疏。

殺其勢。讀禹貢之書。求禹功之序。當於此詳之。經音地理志也。後凡言地志者。漢志音居勿反。殺所介反。

經音載。作代反。漢地志。前漢書。下同。屈。

### 治梁及岐

梁岐皆冀州山。梁山。呂梁山也。在今石州。石縣東北。爾雅云。梁山。晉望即冀州呂梁也。呂不韋曰。龍門未闢。呂梁未鑿。河出孟門之上。又春秋梁山崩。左氏穀梁皆以為晉山。則亦指呂梁矣。麟道元謂呂梁之石崇。梁河流激盪。震動天地。此禹既事壺口。乃即治梁也。岐山。在今汾州介休縣。狐岐之山。勝水所出。東北流注于汾。麟道元云。後魏於胡岐置六壁。防離石諸胡。因為大鎮。今六壁城在勝水之側。實古河經之險阨。二山河水所經。治之。

人書傳卷二

三

所以開河道也。先儒以為雍州梁岐者非是。字善長。後魏人。註桑欽水經。疎音聳。汾音墳。

經音治平。麟道元。

### 既修太原至于岳陽

修因繇之功而修之也。廣平曰原。今河東路太原府也。岳太岳也。周職方冀州其山鎮曰霍山。地志謂霍太山。即太岳。在今晉州霍邑也。山南曰陽。即今岳陽縣地也。堯之所都。揚子雲冀州箴曰。岳陽是都。是也。蓋汾水出於太原。經於太岳。東入于河。此則導汾水也。

### 賈懷底績至于衡漳

覃懷地名。地志：河內郡有懷縣，今懷州也。曾氏曰：覃懷平地也。當在孟津之東，太行之西。

涑水出乎其西，淇水出乎其東。方洪水懷山，襄陵之時而平地，致功為難。故曰：砥績。衡漳水名。衡，古橫字。地志：漳水二：一出上黨，沾縣。

大鵬谷，今平定軍樂平縣。少山也，名為清漳。一：出上黨，長子縣鹿谷山。今潞州長子縣發。

鳩山也，名為濁漳。鄆道元謂之衡水。又謂之橫水。東至鄴，合清漳。東北至阜城，入比河。魏

今潞州涉縣也。阜城，今定遠軍東光縣也。○

又按桑欽云：二漳異源，而下流相合同歸于海。唐人亦言漳水能獨達于海，請以為瀆。而

不云入河者，蓋禹之導河，自涿水大陸至碣石，入于海。本隨西山下，東北去。周定王五年，

河徙碣石，則漸遷而東。漢初，漳猶入河。其後河徙日東，而取漳水益遠。至欽時，河自大任

而下，已非故道。而漳自入海。音：覃，徒合反。

矣。故欽與唐人所言者如此。音：衡，與橫通。

陸音：行，胡剛反。涑，音來。沾，知廉反。甯，彌充。

如字。反：長如字，下同。路，音路。桑欽，漢江南人。著水經，導天到反。吟，音吟。歷。

# 厥土惟白壤

漢孔氏曰：無塊曰壤。顏氏曰：柔土曰壤。夏氏曰：周官大司徒辨十有二壤之物，而知其種。

以教稼穡樹藝。以土均之，法辨五物九等，制天下之地，征則夫教民樹藝與因地制宜，固

不可不先於辨土也。然辨土之宜有二：白以辨其色，壤以辨其性也。至草人糞壤之法，駢

剛用牛，赤緹用羊。墳壤田，麋渴澤用鹿。糞治田疇，各因色性而辨其所當用也。曾氏曰：糞

書傳卷二

四

州之土豈皆白壤云然者釋音十二壤汝兩

土會之法從其多者論也釋音反周禮註十

二土分野十二邦上繫十二次各有所宜也

種之勇反土均周禮註均平也五物五地之

物也謂山林川澤丘陵墳衍原隰九等謂驛

剛赤緹墳壤渴澤鹹渴勃壤埴塗強梁輕輿

也陸氏音強其兩反藥呼覽反強堅也嬰孚

照反輕脆也夫音扶壤以辨其性陳氏曰白

言色壤言質後倣此草人周禮草人掌土化

之法註云化之使美也驛剛上思管反赤而

土剛強也赤緹陸音低廣韻音踈縹色也墳

房吻反潤解也麋音眉渴澤上其列反故水

處也用謂糞其骨汁以漬種也治平聲土會

古外反以土會計貢賦之法見周禮大司徒

# 厥賦惟上上錯厥田惟中中

書傳卷二

三

賦田所出穀來兵車之類錯雜也賦第一等

而錯出第二等也田第五等也賦高於田四

等者地廣而人稠也林氏曰冀州先賦後田

者冀王畿之地天子所自治併與場圃園田

漆林之類而征之如周官載師所載賦非盡

出於田也故以賦屬于厥土之下餘州皆田

之賦也故先田而後賦又按九州九等之賦

皆每州歲入總數以九州多寡相較而為九

等非以是等田而責其出是等賦也冀獨不

也

**釋音**

見地官司徒屬音燭

# 恒衛既從大陸既作

恒衛二水名恒水地志出常山郡上曲陽縣  
恒山北谷在今定州曲陽縣西北恒山也東

入滌水薛氏曰東流合滌水至瀛州高陽縣  
入易水晁氏曰今之恒水西南流至真定府  
行唐縣東流入于滋水又南流入于衡水非  
古逕矣衛水地志出常山郡靈壽縣東北即  
今真定府靈壽縣也東入滌河薛氏曰東  
北合滌河過信安軍入易水從其道也  
大陸孫炎曰鉅鹿北廣阿澤河所經也程氏  
曰鉅鹿去古河絕遠河未嘗逕邢以行鉅鹿  
之廣阿非是按爾雅高平曰陸大陸云者四  
無山阜廣然平地蓋禹河自澶相以此皆行  
西山之麓故班馬王橫皆謂戴之高地則古  
河之在貝冀以及枯澤之南率皆穿西山踵  
趾以行及其已過信澤之北則西山勢斷曠  
然四平蓋以此地謂之大陸乃與下文此至  
大陸者合故隋改趙之昭慶以為大陸縣唐  
又割鹿城置陸渾縣皆疑鉅鹿之大陸不與

河應而亦求之向北之地杜佑李言甫以為  
邢趙深三州為大陸者得之作者言可耕治  
水患既息而平大之廣衍者亦可耕治也恒  
滌水小而地遠大陸地平而近河故其成功  
於田賦釋音恒胡泥音寇又古侯反易夷  
之後釋音登反益反下同淳荒胡反孫  
奕字子然後漢末人註爾雅澶音蟬相去聲  
並州名班馬班固著漢書司馬遷著史記王  
橫字平仲琅邪人漢大司空掾載作代反信  
洛漢志冀州信都縣有洛水故曰信洛應去  
平聲治

# 島夷皮服

海曲曰島海島之釋音島都傳皮服來貢按  
夷以皮服來貢也釋音皓反此章皮服無

來貢之文。蔡氏以揚州卉服在厥  
貢之下。故例之耳。說見揚州章

# 夾右碣石入于河

碣石地志在北平郡驪城縣西南河口之地  
今平州之南也。冀州北方貢賦之來自北海  
入河南向西轉而碣石在其右轉屈之間。故  
曰夾右也。程氏曰。冀為帝都東西南三面距  
河。他州貢賦皆以達河為至。故此三方亦不  
必書。而其北境則漢遼東西南北平漁陽上  
谷之地。其水如遼濡濇易。皆中高不與河通。  
故必自北海然後能達河也。又按鄴道元言  
驪城枕海有石如甬道數十里。當山頂有大  
石如柱形。章昭以為碣石。其山昔在河口。海  
濱故以誌其入貢河道。歷世既久。為水所漸  
淪。入于海。已去岸五百餘里矣。戰國策以碣

書傳卷二

一

石在常山郡九門縣者。恐名偶。釋音。夾音協。  
同而鄭氏以為九門無此山也。釋音。碣其調。

巨列傳。轉涉充反。下同。遼濡濇易。四水名。漢  
二反。志遼水出玄菟郡高句驪縣遼山。經

遼東郡望平縣至安市縣入海。濡水自遼西  
郡肥如縣南入海。濡音乃。官反。說文音人。朱

反。濇沱河出代郡鹵城東。至文安入海。易水  
出中山國新城縣西北。東流入滹。易夷益反。

枕職任反。甬余  
隴反。漸將廉反。

# 濟河惟兗州

兗州之域。東南據濟。西北距河。濟河見導水。  
蘇氏曰。河濟之間。相去不遠。兗州之境。東南  
跨濟。非止於濟也。愚謂河昔北流。兗州之境。  
北盡碣石。河右之地。後碣石之地。淪入於海。



河益徙而南濟河之間始相去不遠蘇氏之說未必然也。林氏曰濟古文作洑說文註云此充州之濟也其從水從齊者說文註云出常山房子縣贊皇山則此二字音同義異當以古釋音濟子禮反見形旬反洑子禮文為正交以轉反說文云洑水出王屋東為洑入海以水名州贊皇山按牟氏云濟水出贊皇山者入泚非四瀆之水

# 九河既道

九河爾雅一曰徒駭二曰太史三曰馬頰四曰覆鬴五曰胡蘇六曰簡潔七曰鈞盤八曰鬲津其一則河之經流也先儒不知河之經流遂分簡潔為二既道者既順其道也。按徒駭河地志云涿州懷宇記云在滄州清池南許商云在平城馬頰河元和志在德州

書傳卷二

八

安德平原南東。寰宇記云在棣州滴河北。輿地記云即篤馬河也。覆鬴河通典云在德州安德。胡蘇河。寰宇記云在滄之饒安無棣臨津三縣許商云在東光簡潔河輿地記云在臨津。鈞盤河。寰宇記云在樂陵東南從德州平昌來輿地記云在樂陵鬲津河寰宇記云在樂陵東西北流入饒安許商云在鬲縣輿地記云在無棣太史河不知所在自漢以來講求九河者甚詳漢世近古止得其三唐人集累世積傳之語遂得其六。歐陽志輿地記又得其一。或新河而載以舊名或一地而互為兩說要之皆似是而非無所依據至其顯然謬誤者則班固以涿洑為徒駭而不知涿洑不與古河相涉樂史馬頰乃以漢篤馬河當之鄭氏求之不得又以為九河齊桓塞其入流以自廣夫曲防齊之所禁塞河宜非桓

公之所為也。河水可塞，而河道果能盡平乎？皆無稽攷之言也。惟程氏以為九河之地已淪於海，引碣石為九河之證，以謂今滄州之地北與平州接壤，相去五百餘里，禹之九河當在其地。後為海水淪沒，故其迹不存。方九河未沒於海之時，從今海岸東北更五百里平地，河播為九。在此五百里中，又上文言夾右碣石，則九河入海之處有碣石在其西北岸。九河水道變遷難於推考，而碣石通趾頂皆石，不應什沒。今究冀之地既無此石，而平州正南有山而名碣石者，尚在海中去岸五百餘里，卓立可見，則是古河自今以為海處向北斜行，始分為九。其河道已淪入於海矣。漢王橫言昔天常連雨，東北風海水溢西道南出，浸數百里。九河之地已為海水所漸，酈道元亦謂九河碣石苞淪於海。後世儒者知

言傳卷二

九

求九河於平地，而不知求碣石有無以為之證。故前後異說，竟無歸宿。蓋非九河之地而強鑿求之，宜其支離而不能得也。

**釋音傳** 覆芳六反 黼即釜字 扶雨反 禹音隔爾雅

註：可隔以為津也。漢志：鬲縣之鬲音隔。許商漢成帝時，河堤都尉歐陽志音景。廬陵人宋徽宗時撰輿地廣記，要平聲。樂史字子正，臨川人。宋初撰寰宇記，夫音扶，應平聲。漸將廉

反強上聲

# 雷夏既澤

澤者，水之鍾也。雷夏地志在濟陰郡城陽縣西北。今濮州雷澤縣西北也。山海經云：澤中有雷神，龍身而人頰，鼓其腹則雷。然則本夏澤也。因其神名之曰雷夏也。洪水橫流而入

于澤澤不能受則亦泛濫奔  
潰故水治而後雷夏為澤  
雷神之事可不必引也  
漢音上接  
山海經怪

### 灘沮會同

灘沮二水名灘水曹氏曰爾雅水自河出為  
灘許慎云河灘水在宋又曰汜水受陳留浚  
儀陰溝至蒙為灘水東入于泗水經汜水出  
陰溝東至蒙為沮水則灘水即汜水也灘之  
下流入于沮水沮水地志曰沮水出漳國芒縣  
雖水其沮水數晁氏曰爾雅云自河出為灘  
濟出為灘求之於韻沮有楚音二水河濟之  
別也二說未詳孰是會者水之合也同者合  
而一也  
灘音甚沮  
千余反  
沮反皮變反今作汴沮  
官

書傳卷二

十

反雖漢志音雖按漢志南部亦有沮水音千  
余反而左傳云江漢雖唐楚之望也字乃作  
雖則雖與沮古通用  
也灘音楚別皮列反

### 桑土既蠶是降丘宅土

桑土宜桑之土既蠶者可以蠶桑也蠶性惡  
濕故水退而後可蠶然九州皆賴其利而獨  
於充言之者充地宜桑後世之灘上桑間猶  
可驗也地高曰丘充地多在卑下水害尤甚  
民皆依丘陵以居至  
是始得下居平地也  
聲

### 厥土黑墳厥草惟繇厥木惟條

墳土脉墳起也如左氏所謂祭之地地墳是  
也繇茂條長也○林氏曰九州之勢西北多

山東南多水。多山則草木為宜，未待書也。充徐揚三州最居東南，下流其地卑濕，注如洪水為患，草木不得其生。至是或絲或條，或天或喬，而或漸包，故於三州特言之。以見水土平章，未亦得遂其性也。

**釋音**

墳房吻反。下草並同。絲音遙。

**釋音**

沮汝上將濛反。

厥田惟中下。厥賦貞，作十有二載，乃

同。

田第六等賦第九等，貞正也。充賦最薄，言君天下者以薄賦為正也。作十有二載，乃同者，充當河下流之衝，水激而端悍，地平而土疎，被害尤劇。今水患雖平，而卑濕沮如，未必盡

書傳卷二

二

去土曠人稀，生理鮮少，必作治十有二載，然後賦法同於他州。此為田賦而言，故其文屬於厥賦之下。先儒以為禹治水所歷之年，且謂此州治水最在後，畢州為第九成功，因以上文厥賦貞者，謂賦亦第九與州。正為相當，殊無意義，其說非是。

**釋音**

劇竭戟反。

厥貢漆絲。厥篚織文。

鮮少。並上聲。治平聲。此為去聲。屬音燭。

貢者，下獻其土，所有於上也。充地宜漆，宜桑，故貢漆絲也。篚，竹器，篚屬也。古者幣帛之屬，則盛之以篚，篚而貢焉。經曰：篚厥玄黃，是也。織文者，織而有文，錦綺之屬也。以非一色，故以織文總之。林氏曰：有貢又。有篚者，所貢之物入於篚也。

**釋音**

盛時征反。

浮于濟。漂。達于河。

舟行水曰浮。漂者河之支流也。兗之貢賦。浮濟。浮漂以達於河也。帝都冀州。三面距河。達河。則達帝都矣。又按地志曰。漂水出東郡東武陽。至千乘入海。程氏以為此乃漢河。與漂殊異。然亦不能明言。漂。釋音。漂託合反。唐張河所在未詳其地也。參五經文字云。字本作濕。經典相承作漂。而以濕為燥。濕之濕。千乘去聲。漢郡名。屬青州。

海岱惟青州

青州之域。東北至海。西南距岱。岱泰山也。在今襲慶府奉符縣西北二十里。東北至海。按孔傳云。東北據海。孔疏云。據謂跨之也。故以海北。遼東西之地為青州之域。

書傳卷二

二

今蔡傳云。東北至海。則疆域至海而止。又冀州傳中。引程氏云。冀之北境。則遼東。西北。北平。漁陽。上谷之地。蓋與孔說異矣。而舜典傳中。尚仍孔傳。分青州為營州之語。自相背戾。當正之也。青州貢道。自汶達濟。別無遼東西貢道。而冀州夾右碣石入河。則正是遼東西貢道。乃青州北境所至之海也。襲慶府輿地廣記。唐兗州魯郡。宋改襲慶府。隸京東西路。

嶠夷既略

嶠夷。薛氏曰。今登州之地。畧。經。畧為之封畛也。即堯典之嶠夷。反。田間。

釋音

畧。田間。

維淄其道

道也。

澠。淄二水名。澠水。地志云。出琅琊郡箕縣。今密州莒縣東北。澠山也。北至都昌入海。今澠州。昌邑也。淄水。地志云。出泰山郡萊蕪縣原山。今淄州淄川縣東南七十里原山也。東至博昌縣入濟。今青州壽光縣也。其道者。水循其道也。上文言既道者。禹為之道也。此言其道者。泛濫既去。水得其故道也。林氏曰。河濟下流。充受之。淮下流。徐受之。江漢下流。揚受之。青雖近海。然不當眾流之衝。但澠淄二水。順其故道。則其功畢矣。比之他州。用力最省者。也。

**釋音**

澠音維。淄音持反。

**釋音**

省所景反。簡少也。

### 厥土白墳。海濱廣斥。

廣。涯也。海涯之地。廣漠而斥。鹵。詳慎曰。東方謂之斥。西方謂之鹵。斥鹵。鹹地。可莫為鹽者。

書傳卷二

十三

也。

**釋音**

斥音高。

鹵音石反。

魯。

### 厥田惟上下。厥賦中上。

田第三。賦第四也。

### 厥貢鹽絺。海物惟錯。岱畎絲枲。鉛松怪石。萊夷作牧。厥篚檿絲。

鹽。斥地所出。絺。細葛也。錯。雜也。海物。非一種。故曰錯。林氏曰。既總謂之海物。則固非一物矣。此與揚州齒革羽毛。惟木文勢正同。錯。蓋別為一物。如錫貢。磬錯之錯。理或然也。畎。谷也。岱。山之谷也。枲。麻也。怪石。怪異之石也。林氏曰。怪石之貢。誠為可疑。意其必須以為器。

也。岱。山之谷也。枲。麻也。怪石。怪異之石也。林氏曰。怪石之貢。誠為可疑。意其必須以為器。

用之飾而有不可闕者非特貢其怪異之石  
以為玩好也萊夷顏師古曰萊山之夷齊有  
萊侯萊人即今萊州之地作牧者言可牧放  
夷人以畜牧為生也蘇氏曰惟東萊為有此絲  
朝中琴瑟之絃蘇氏曰惟東萊為有此絲  
以之為繒其堅韌異常萊人謂之山蠶  
繅抽遲反下章同泉想好去聲畜許六  
里反下章同泉想於琰反反朝如吝反堅  
柔也中去聲繒  
慈陵反帛也

### 浮于汶達于濟

汶水出泰山郡萊蕪縣原山今襲慶府萊蕪  
縣也西南入濟在今鄆州中都縣也蓋淄水  
出萊蕪原山之陰東北而入海汶水出萊蕪  
原山之陽西南而入濟不言達河者因於充

書傳卷二

二四

也  
釋音  
汶音  
鄆音  
運

### 海岱及淮惟徐州

徐州之域東至海南至淮北至岱而西不言  
濟者岱之陽濟東為徐岱之北濟東為青言  
濟不足以辨故畧之也爾雅濟東曰徐州者  
商無青并青於徐也周禮正東曰青州者周  
無徐并徐於青也林氏曰一州之境必有四  
至七州皆止二至蓋以鄰州互見至此州獨  
載其三邊者止言海岱則嫌於青止言淮海  
則嫌於揚故必曰海岱及淮而後徐州之疆  
境始釋音見形向反  
別也釋音別筆列反

### 淮沂其乂

淮沂二水名淮見導水曾氏曰淮之源出于  
豫之境至揚徐之間始大其泛濫為患尤在  
於徐故淮之治於徐言之也沂水地志云出  
泰山郡蓋縣艾山今沂州沂水縣也南至沂  
下邳西南而入于泗曾氏曰徐州水以沂名  
者非一鄆道元謂水出尼丘山西北徑魯之  
雩門亦謂之沂水水出太公武陽之冠石山  
亦謂之沂水而沂水之大則出於泰山也又  
按徐之水有泗有汶有沂有濰而獨以淮沂  
言者周職方氏青州其川淮泗其浸沂沫周  
無徐州兼之於青周之青即禹之徐則徐之  
川莫大於淮淮又則自泗而下凡為川者可  
知矣徐之浸莫大於沂沂又則釋音沂魚  
自沫而下凡為浸者可知矣釋音沂魚  
治去聲蓋師古云如字又古蓋反邳貪悲反  
邳音康又許號反水名在魯地又云出東海

### 蒙羽其藝

郡沫音術水旁從水周禮註水出東莞莞音官

蒙羽二山名蒙山地志在泰山郡蒙陰縣西  
南今沂州費縣也羽山地志在東海郡祝其  
縣南今海州朐山縣釋音費音秘祝其如字  
也藝者言可種藝也釋音屬東海郡左傳及  
漢志並無音胸音劬屬東海郡

### 大野既豬

大野澤名地志在山陽郡鉅野縣北今濟州  
鉅野縣也鉅即大也水蓄而復流者謂之豬  
按水經濟水至乘氏縣分為二南為河北為  
濟鄆道元謂一水東南流一水東北流入鉅



野澤則大野為濟之所絕其所聚也大矣何  
承天曰鉅野廣大南傳洙泗北連清濟徐之  
亦有濟於是乎見又鄆州中都西南  
今作豬釋音乘氏上去聲屬濟陰  
下章同釋音郡荷音柯見形向反

### 東原底平

東原漢之東平國今之鄆州也晁氏曰東平  
自古多水患數徙其城咸平中又徙城於東  
南則其下濕可知底平者水患已去而底於  
平也後人以其地之平故謂之東平又按東  
原在徐之西北而謂之東者以在濟東故也  
東平國在景帝亦謂濟東國云益知大野東  
原所以釋音數色  
志濟也釋音角反

書傳卷二

十六

### 厥土赤埴墳草木漸包

土黏曰埴埴膩也黏泥如脂之膩也周有埴  
埴之工老氏言埴埴以為器惟土性黏細  
密故可埴可埴也漸進長也如易所謂漸  
言其日進於茂而不已也包叢生也如詩之  
所謂如竹包矣言釋音埴承職冒志二反陸  
其叢生而積也釋音云鄭本作哉音賦

釋音泥去聲埴音團埴戶連反音與羶同老子  
埴埴二字皆從土旁註云埴和也埴土也

和土以為器也按埴字訓為揉和之義則當  
從手旁老子本文自有誤也長上聲埴止忍

綴也釋音反物叢

### 厥田惟上中厥賦中中

田第二等賦  
第五等也

厥貢惟土五色羽畎夏翟嶧陽孤桐  
泗濱浮磬淮夷蠙珠暨魚厥篚玄纈

縞

徐州之土雖赤而五色之土亦間有之故制  
以為貢周書作雒曰諸侯受命于周乃建大  
社于國中其墳東青土南赤土西白土北驪  
土中央豐以黃土將建諸侯鑿取其方面之  
土苞以黃土首以白茅以為土封故曰受削  
土于周室此貢土五色意亦為是用也羽畎  
也染人之職秋染夏鄭氏曰染夏者染五色  
也

書傳卷二

十一

也林氏曰古之車服器用以雉為飾者多不  
但旌旄也曾氏曰山雉具五色出于羽山之  
畎則其名山以羽者以此巖嶧山名地志云  
東海郡下邳縣西有葛嶧山古文以為嶧山  
下邳今淮陽軍下邳縣也陽者山南也孤桐  
特生之桐其材中琴瑟詩曰梧桐生矣于彼  
朝陽蓋草木之生以向日者為貴也泗水名  
出魯國下縣桃墟西北陪尾山源有泉四四  
泉俱導因以為名西南過彭城又東南過下  
邳入淮下縣今襲慶府泗水縣也濱水旁也  
浮磬石露水濱若浮於水焉或曰非也泗濱  
非必水中泗水之旁近浮者石浮生土中不  
根著者也今下邳有石磬山或以為古取磬  
之地曾氏曰不謂之石者成磬而後貢也淮  
夷淮之夷也蠙蚌之別名也暨及也珠為服  
飾魚用祭祀今濠泗楚皆貢淮白魚亦古之

遺制與夏翟之出于羽畎。孤桐之生于淮夷。各有所  
 浮磬之出于泗濱。珠魚之出于淮夷。各有所  
 產之地。非他處所有。故詳其地。而使貢也。玄  
 赤黑色幣也。武成曰。雀厥玄黃。織。縞。皆縞也。  
 禮曰。及期而大祥。素縞麻衣。中月而禫。禫而  
 織。記曰。有虞氏。縞衣而養老。則知織。縞。皆縞  
 之名也。曾氏曰。玄。赤。而有黑色。以之為冠。以之  
 以祭也。以之為端。所以齊也。以之為冠。以之為  
 首服也。黑。經。白。緯。曰。織。縞。也。釋音。夏。玄。雅。反。  
 縞也。皆去凶。即吉之所服也。釋音。翟。夏。亭。歷。反。  
 墳。蒲。眠。反。縞。思。周。書。篇。名。墳。喪。佳。以。水。以  
 廉。反。縞。古。老。反。釋音。周。書。篇。名。墳。喪。佳。以。水。以  
 醉。三。反。土。埒。也。釋音。離。黑。也。豐。與。冪。同。許。刃  
 反。塗。也。首。子。余。反。包。也。羽。中。去。聲。下。材。中。同。  
 染。人。上。而。瑛。而。豔。二。反。見。周。禮。天。官。根。著。直  
 略。反。字。見。晁。錯。策。師。古。云。有。根。著。地。也。蚌。步

書傳卷二

項反。蜃蛤屬。期與暮通。禮徒感反。除服祭名。  
 端。周禮司服。齊服有玄端。註云。衣有襦裳。曰  
 端。又云。端取其正也。士之衣。袪  
 二尺二寸。而屬幅。是廣袤等也。

浮于淮泗。達于河

許慎曰。汜水受陳留浚儀陰溝。至蒙為澗水。  
 東入于泗。則淮泗之可以達于河者。以澗至  
 于泗也。許慎又曰。泗受泲水。東入淮。蓋泗水  
 至大野。而合泲。然則泗之上源。自泲。亦可以  
 通河也。釋音。泲。今作泲。澗音澗。  
 也。泲。子禮反。泲水也。

淮海惟揚州

揚州之域。北至淮。東南至海。揚字從手。旁。唐張參五  
 經文字云。取輕揚之義。

俗從木者非

# 彭蠡既豬

彭蠡地志在豫章郡彭澤縣東合江西江東諸水跨豫章饒州南康軍三州之地所謂鄱陽湖者是也。  
詳見導水

**釋音**  
禮 蠡音

# 陽鳥攸居

陽鳥隨陽之鳥謂鴈也。今惟彭蠡洲渚之間千百為羣。記陽鳥所居猶夏小正記鴈北鄉也。言澤水既豬洲渚既平而禽鳥亦得其居止而遂其性也。  
釋音 夏小正 大戴禮

篇名。解音向。

# 三江既入

書傳卷三

十九

唐仲初吳都賦註松江下七十里分流東北入海者為婁江東南流者為東江併松江為三江。其地今亦名三江口。吳越春秋所謂范蠡乘舟出三江之口者是也。○又按蘇氏謂岷山之江為中江。嶓冢之江為北江。豫章之江為南江。即導水所謂東為北江東為中江者。既有中北二江則豫章之江為南江可知。今按此為三江若可依據然江漢會於漢陽合流數百里至湖口而後與豫章江會。又合流千餘里而後入海不復可指為二矣。蘇氏知其說不通遂有味別之說禹之治水本為民去害豈如陸羽葦辨味煮食為口腹計耶。亦可見其說之窮矣。以其說易以惑人故并及之。或曰江漢之水揚州巨浸何以不書曰

禹貢書法費疏鑿者雖小必記無施勞者雖大亦畧江漢荊州而下安於故道無俟濬治故在不書况貞宗于海荊州固備言之是亦可以互見矣此正禹貢之書法也

**釋音**

松思容反今作淞。聿音樓。音波。別。箠。列。反。本為去聲。下同。去。上聲。易。以。鼓。反。費。芳。味。反。

疏音疎。治平聲。朝馳遙反。

### 震澤底定

震澤太湖也。周職方揚州藪曰具區。地志在吳縣之西南五十里。今蘇州吳縣也。曾氏曰。震如三川。震之震。若今湖翻是也。具區之水多震而難定。故謂之震澤。底定者言底於定而不震。蕩也。

書傳卷二

二十

篠蕩既敷。厥草惟夭。厥木惟喬。厥土惟塗泥。

篠箭竹。蕩大竹。郭璞曰。竹開節曰蕩。敷布也。水去竹已布生也。少長曰夭。喬高也。塗泥水

泉濕也。下地。釋音。篠先了反。蕩符。少長並多水。其土淖。釋音。朗反。夭於驕反。上聲。淖

女教反。泥也。

厥田惟下下。厥賦下上上錯。

田第九等。賦第七等。雜出第六等也。言下上錯者。以本設賦九等。分為三品。下上與中下異品。故變文。釋音。反。下是掌反。

厥貢惟金三品。瑶琨篠簜。齒革羽毛。惟木。島夷卉服。厥篚織貝。厥包橘柚。

錫貢

三品。金。銀。銅也。瑶琨。玉石名。詩曰。何以舟之。維王及瑤琨。說文云。石之美似玉者。取之。可為禮器。篠。材中於矢之筈。簜。材中於樂之管。篚。亦可為符節。周官掌節。有莛。簜。象有齒。犀兕。有革。鳥有羽。獸有毛。木。檉。梓。豫。章。之屬。齒。革。可以成車甲。羽毛。可以為旌旄。木。可以備棟宇器械之用也。島夷。東南海島之夷。卉。草也。葛。越。木。綿。之屬。織。貝。錦。名。織。為。貝。文。詩曰。貝錦是也。今南夷。木。綿。之精。好者。亦謂之吉貝。海島之夷。以卉服來貢。而織貝之

書傳卷二

三

精者則入篚焉。包。裹也。小曰橘。大曰柚。錫者。必待錫命而後貢。非歲貢之常也。張氏曰。必。詔之。乃貢者。供祭祀。燕賓客。則。錫。音。昆。之。口。腹。之。欲。則。難。於。出。令。也。釋音。琨。音。昆。

卉。許。偉。許。中。去。聲。下。同。筈。本。作。箬。古。旱。反。貴。二。反。音。與。稗。同。又。加。我。反。張。參。五。經。

文字音。稟。英。蕩。周。禮。註。盛。節。器。也。兕。序。姦。反。似。牛。一。角。青。色。重。千。斤。檉。毗。連。反。木。似。豫。章。

械。下。介。反。器。之。總。名。葛。越。戶。括。反。陸。云。字。書。作。起。孔。傳。云。草。服。葛。越。孔。躡。云。葛。越。南。方。布。

名。文。選。石。苞。與。絲。結。書。云。葛。越。布。於。朔。土。注。葛。越。草。布。也。左。思。吳。都。賦。云。蕉。葛。升。越。按。左。

傳。越。席。註。云。結。草。也。禮。記。禮。運。越。席。注。云。翦。蒲。席。也。郊。特。牲。篇。亦。云。蒲。越。稟。鞞。則。越。亦。草。

之名也。木。綿。有。木。有。草。結。實。吐。綿。紡。以。為。布。初。出。高。昌。等。國。名。吉。貝。布。今。西。南。諸。郡。皆。有。

之并服來貢青之萊夷徐之淮夷揚之島夷  
荆之三邦梁之西傾亦各以其所產來貢故  
皆書於各州厥貢之下若諸州篚實皆幣帛  
絲纊必非出於諸夷也。不可因布名吉貝而  
遂以織貝為卉服之精者吉貝之名但助見  
於南北史耳。或曰青州萊夷作牧厥篚縑絲  
萊夷之下不言所貢之物則縑絲豈非萊夷  
所貢乎。是蓋不然。凡諸夷所貢不可律以為  
常萊夷可作可牧則以其作牧之物為貢耳  
如三邦厥貢厥名西傾因桓是來亦未嘗指  
其物也。供音  
恭。今去聲。

### 公于江海達于淮泗

順流而下曰公。公江入海自海而入淮泗不  
言達于河者。因於徐也。禹時江淮未通。故公

書傳卷三

三

於海至吳始開邗溝。隋人廣之。而江淮舟船  
始通也。孟子言排淮泗而注之江。記者之誤  
也。  
**釋音** 邗音寒。地  
名。在廣陵。

### 荆及衡陽惟荊州

荊州之域。北距南條。荆山。南盡衡山之陽。荆  
衡各見導山。唐孔氏曰。荊州以衡山之陽為  
至者。蓋南方惟衡山為大。以衡陽言之。見其地  
不止此山。而猶包其南也。  
**釋音** 見  
**傳** 形

向反。  
下同。

### 江漢朝宗于海

江漢見導水。春見曰朝。夏見曰宗。朝宗諸侯  
見天子之名也。江漢合流于荆。去海尚遠。然

水道已安而無有壅塞橫決之患雖未至海而其勢已奔趨於海猶諸侯之朝宗于王也

**釋音**  
朝馳見並形  
遙反 向反

# 九江孔殷

九江即今之洞庭也水經言九江在長沙下雋西北楚地記曰巴陵瀟湘之源在九江之間今岳州巴陵縣即楚之巴陵漢之下雋也洞庭正在其西北則洞庭之為九江審矣今沅水漸水元水辰水叙水酉水澧水資水湘水皆合於洞庭意以是名九江也孔甚殷正也九江水道甚得其正也○按漢志九江在廬江郡之尋陽縣尋陽記九江之名一曰烏江二曰鱗江三曰烏白江四曰嘉廬江五曰獸江六曰源江七曰廩江八曰提江九曰箇

書傳卷二

二二

江今詳漢九江郡之尋陽為禹貢揚州之境而唐孔氏又以為九江之名起於近代未足為據且九江派別取之耶亦必首尾短長大畧均布然後可目之為九然其一水之間當有一洲九江之間沙水相間乃為十有七道而今尋陽之地將無所容况沙洲出沒其勢不常果可以為地理之定名乎設使派別為九則當曰九江既道不應曰孔殷於導江當曰播九江不應曰過九江反復參攷則九江非尋陽明甚本朝胡氏以洞庭為九江者得之曾氏亦謂導江曰過九江至于東陵東陵今之巴陵今巴陵之上即洞庭也因九水所合遂名九江故下文導水曰過九江經之例大水合小水謂之過則洞庭之為九江益以明矣下雋祖窆反音與吮同縣名屬長沙矣國沅水漢志云出蜀郡由牂柯郡東



北入武陵郡比至長沙入洞庭行二十五  
三十里漸水漢志云出武陵郡索縣東流入  
沅瀘如字索昔各反元水漢志云在武陵郡  
無陽縣首受故且蘭南入沅且音首圖經云  
字或作沅在沅州盧陽縣源出牂柯郡故且  
蘭縣界南流入沅一水而五名曰巫无無  
舞蓋聲之變也漢有無陽縣唐有巫州皆因  
此水為名也辰水漢志云出武陵郡辰陽縣  
三山谷南入沅今辰州辰溪縣叙水漢志云  
叙水出武陵郡義陵縣鄴梁山西入沅今辰  
州叙浦縣酉水漢志云出武陵郡充縣西原  
山南入沅今辰州沅陵縣酉山澧水見岷山  
導江章傳漢志云出武陵郡充縣歷山資水  
漢志出零陵郡都梁縣路山東北入沅今武  
州屬縣西南百里唐糾山資或作澧武岡本  
州屬縣宋改武岡軍湘水漢志云出零陵陽

# 沅潛既道

海山合沅水至長沙入洞庭按九水惟沅水  
其源最遠諸水皆合沅水而北流耳但澧水  
自入洞庭在湘江西然武陵零陵長沙諸郡  
之水入沅水者甚多而獨指此九水亦未  
其去取之意也螻與蚌同步項反箇巨隕反  
別必列反相間去聲應平聲下同復音腹

爾雅曰水自江出為沅自漢出為潛凡水之  
出於江漢者皆有此名此則荊州江漢之出  
者也今按南郡枝江縣有沅水然其流入江  
而非出於江也華容縣有夏水首出于江尾  
入于沅亦謂之沅若  
潛水則未有見也

# 雲土夢作又

雲夢澤名。周官職方。荆州其澤數曰雲夢。方八九百里。跨江南。北華容。枝江。江夏。安陸。皆其地也。左傳。楚子濟江。入于雲中。又。楚子以鄭伯田于江南之夢。合而言之。則為一。別而言之。則二。澤也。雲土者。雲之地。土見而已。夢作人者。夢之地。已可耕治也。蓋雲夢之澤。地勢有高甲。故水落有音。夢莫鳳反。又。謨。蓬先後。人工有早晚也。釋反。左傳。漢書並有平去。傳濟子計反。別筆列反。

厥土惟塗泥。厥田惟下中。厥賦上下

荆州之土與揚州同。故田比揚只加一等。而賦為第三等者。地闊而人工修也。

厥貢羽毛齒革。惟金三品。柁榦栝柏

人書傳卷二 二五

礪砥砮丹。惟筭篔簹。三邦底貢。厥名。

包匭菁茅。厥篚玄纁璣組。九江納錫

大龜

荆之貢與揚州大抵多同。然荆先言羽毛者。漢孔氏所謂善者為先也。按職方氏揚州其

利金錫。荆州其利。丹銀齒革。則荆揚所產。不無優劣矣。柁栝柏。三木名也。柁木似檇而可

為弓幹。栝木柏葉松身。礪砥皆磨石。砥以細密為名。礪以麤樞為稱。砮者中矢鏃之用。繡

慎氏貢石砮者是也。丹。丹砂也。筭篔簹。竹名。柁

木名。皆可以為矢。董安于之治晉陽也。公宮之垣。皆以荻蒿苦楚廩之。其高丈餘。趙襄子發而試之。其堅則筭篔簹不能過也。則筭篔簹蓋

竹之堅者其材中矢之符。枯肅慎氏貢。枯矢者是也。三邦未詳其地。底致也。致貢籩簠。供祭祀縮酒之用。既包而又匣之。所以示敬也。齊桓公責楚貢包茅不入。王祭不供。無以縮酒。又管子云。江淮之間一茅而三脊。名曰菁茅。菁茅一物也。孔氏謂菁以爲蕝者非是。今辰州麻陽縣苞茅山出苞茅有刺而三脊。纁。周禮。染人夏纁玄。纁。絳色帶也。璣珠不圓者。組。綬類。大龜尺有二寸。所謂國之守龜。非可常得。故不爲常貢。若偶得之。則使之納錫於上。謂之納錫者。不與上之辭重其事也。

**栳** 敕倫反。栳。古活反。砥。諸氏反。斝。音奴。子盈反。籩。巨隕反。籩。音路。楛。侯古反。匭。音執。菁。組。音祖。櫛。抽居反。糲。力制反。又辣。賴二音。麤也。中。去聲。下同。董安于。事見戰

國策。苦。詩。廉反。蓋也。楚廩與牆同。言以荆爲牆也。等。古早加我二反。供。音恭。守。舒究反。語。見左傳。昭公五年。言實而蔽守之也。

# 浮于江沱潛漢逾于洛至于南河

江沱潛漢。其水道之出入不可詳。而大勢則自江沱而入。潛漢也。逾。越也。漢與洛不通。故舍舟而陸。以達于洛。自洛而至于南河也。程氏曰。不徑浮江漢。兼用沱潛者。隨其貢物所出之便。或由經流。或循枝派。期於便事而已。

**釋音**  
舍。音捨。

# 荆河惟豫州

豫州之域。西南至南條。荆山。北距大河。

伊洛漚澗既入于河

伊水山海經曰熊耳之山伊水出焉東北至洛陽縣南北入于洛郭璞云熊耳在上洛縣南今商州上洛縣也地志言伊水出弘農盧

氏之熊耳者非是洛水地志云出弘農郡上洛縣冢領山也水經謂之謹舉山今商州洛南

縣冢領山也至鞏縣入河今河南府鞏縣也

漚水地志云出河南郡穀城縣替亭北今河南府西出河南郡穀城縣其北山實漚

水所出也至偃師縣入洛今河南府偃師縣也

洛新安在今河南府新安縣東也

山即澗水所出鄴道元云世謂之廣陽山然則澗水出今之澗池至新安入洛也伊漚澗

人書傳卷二

二七

水入于洛而洛水入于河此言伊洛漚澗入于河若四水不相合而各入河者猶漢入江

蓋四水並流小大相敵故也詳見下文

漚音替漢志音漚彌充反又彌盡反大

比之西洛水極大伊水次之漚澗水小經言

伊洛漚澗蓋自東南而西北以地形次第言

導水章言澗漚則以洛水先會澗水後會漚

水各以其次故立言有先後之殊宋輿地圖

載澗水今合漚水而入洛此後代陵谷遷改

榮波既緒

非禹跡之舊也

榮波。二水名。濟水自今孟州温縣入河。潛行絕河。南溢為榮。在今鄭州榮澤縣西五里。敖倉東南。敖倉者古之敖山也。按今濟水但入河。不復過河之南。榮濟水受河水。有石門。謂之榮口石門也。鄭康成謂榮今塞為平地。榮陽民猶謂其處為榮澤。酈道元曰。禹塞淫水於榮陽下。引河東南。以通淮。泗。濟水分河東南流。漢明帝使王景即榮水故瀆。東注。浚儀。謂之浚儀渠。漢志謂榮陽縣有狼蕩渠。首受濟者是也。南曰狼蕩。北曰浚儀。其實一也。波水。周職方。豫州其川榮。雒其浸波。澁。爾雅云。水自洛出為波。山海經曰。婁丞之山。波水出。其陰北流。注于穀。二說不同。未詳。孰是。孔氏以榮波為一。亦者非也。**聲**榮。互與榮。**音**榮波。二水名。馬本。本作榮播。史記同。註引鄭玄云。榮陽。八猶指其處為榮播。異音。

書傳卷二

二十八

道守河澤被孟豬

案豬者水之所停。以大野彭蠡例之。恐只是。一澤名。狼蕩。漢志作狼陽。音浪宕。澁。周禮左傳。並音詐。字林音莊。加一反。婁丞。上音樓。下竹角反。

荷澤。地志在濟陰郡定陶縣。東今興仁府濟陰縣。南三里。其地有荷山。故名。其澤為荷澤也。蓋濟水所經。水經謂南濟東過冤句縣南。又東。過定陶縣南。又東北。荷水東出焉。是也。被及也。孟豬。爾雅作孟諸。地志在梁國睢陽縣東北。今南京虞城縣西北。孟諸澤是也。曾氏曰。被覆也。荷水衍溢。導其餘。**音**導。天到波入于孟豬。不常入也。故曰被。**音**反。荷音柯。**音**興仁府輿地廣記。漢濟陰郡。唐為曹州。宋改興仁府。隸京東西路。冤句。上於表。

反下音幼。屬曹州。睢。漢志音雖。覆敷救反。

### 厥土惟壤。下土墳壚。

土不言色者。其色雜也。壚。疏也。顏氏曰。玄而疏者。謂之壚。其土有高下之不同。故別言之。

**音** 壚音 疏音 躒 別入聲

### 厥田惟中上。厥賦錯上中。

田第四等。賦第二等。雜出第一等也。

### 厥貢漆。象。絲。紵。厥篚織纊。錫。貢。磬。錯。

林氏曰。周官載師。漆。林之征。二十有五。周以爲征。而此乃貢者。蓋豫州在周爲畿內。故戴

書傳卷二 二十九

師掌其征。而不制貢。禹時豫在畿外。故有貢也。推此義。則莫不言貢者可知。顏師古曰。織紵。以爲布。及練。然經但言貢象。與紵成布。與未成布。不可詳也。纊。細綿也。磬。錯治磬之錯也。非所常用之物。故非常貢。必待錫命而後納也。與揚州橘。柚同。然揚州先言橘。柚。而後先言錫貢者。橘。柚言包。則於厥篚之文。嫌於相攷。言錫貢在後。磬。錯則與厥篚之文。嫌於相屬。故言錫貢在先。**音** 紵音 呂反 屬音 燭 蓋立言之法也。

### 浮于洛。達于河。

豫州去帝都最近。豫之東境徑自入河。豫之西境則浮于洛。而後至河也。

### 華陽黑水。惟梁州。

梁州之境東距華山之南西據黑水

**釋音** 華

化反陸又音胡瓜反後章同唐玄度九經

**釋音** 華

字樣云字本作率上從山經典相承作華

西據孔傳云東據華山之南西距黑水蔡傳

### 岷嶓既藝云

岷嶓二山名岷山地志在蜀郡渝氏道西微

外在今茂州汶山縣江水所出也晁氏曰蜀

阻不詳遠近音城天彭諸山之所環遶皆古

在隴西郡氐道縣綠水所出又云在西縣今

興元府西縣三泉縣也蓋嶓冢一山跨于兩

山巴可**釋音**嶓音滿氏上音箋下都蒙反

即縣也劉仲馮云有蠻夷曰道稱道則

不稱縣也微音叫造塞也漾餘亮反

此江漢別流之在梁州者沱水地志蜀郡郫

縣江沱在東西入大江郫縣今成都府郫縣

也又地志云蜀郡汶江縣江沱在西南東入

江汶江縣今永康軍導江縣也潛水地志云

巴郡宕渠縣潛水西南入江宕渠今渠州流

### 沱潛既道

書傳卷二

二

縣今洋州真符縣也。○又按梁州乃江漢之原，此不志者岷之藝導江也。嶓之藝導漾也。道沱則江悉矣。道潛則漢悉矣。上志岷嶓下志沱潛。江漢源流於是而見。列反。郾音皮。宕徒浪反。見形旬反。

### 蔡蒙旅平

蔡蒙二山名。蔡山輿地記在今雅州嚴道縣。蒙山地志蜀郡青衣縣。今雅州名山縣也。嚴道元謂山上合下開沫水。迳其間。灑崖平。涿崖。歷代為患。蜀郡太守李冰發卒鑿平涿。則此二山在禹為用功多也。祭山曰旅。旅平者治功畢而旅祭也。涿莫水名。在蜀西涸。胡因反。漂緞招反。

### 和夷底績

和夷地名。嚴道以西有和川。有夷道。或其地也。又按晁氏曰。和夷二水名。和水。今雅州榮經縣北。和川水自蠻界羅岳州東。西來逕蒙山。所謂青衣水而入岷江者也。夷水出巴郡魚復縣東南。過假山。縣南又東。過夷道縣北。東入于江。今詳二說。皆未可必。但經言底績者。三。覃懷原隰。既皆地名。則此恐為地名。或地名。因水亦不可知也。釋音傳屬蜀郡。復漢志音腹。佷。漢志音恒。屬武陵郡。

### 厥土青黎

也。黎黑也。



厥田惟下上。厥賦下中。三錯。

田第七等。賦第八等。雜出第七第九等也。按賦雜出他等者。或以為歲有豐凶。或以為戶有增減。皆非也。意者地力有上下。年分不同。如周官田一易再易之類。故賦之等第亦有上下。年分。冀之正賦第一等。而間歲第二等也。揚之正賦第七等。而間歲第六等也。豫之正賦第二等。而間歲第一等也。梁之正賦第八等。而間歲出第七第九等也。當時必有條目詳具。今不存矣。書之所載。特凡例也。若謂歲之豐凶。戶之增減。則九州皆然。何獨於冀揚豫梁四州言哉。

**音**

**釋**

分扶問反。易夷益反。間去聲。下並同。

厥貢。璆鐵。銀。鏤。砮。磬。能。熊。狐。狸。織。皮。

書傳卷二

三二

璆。玉磬也。鐵。柔鐵也。鏤。剛鐵也。可以刻鏤者也。磬。石磬也。言鐵而先於銀者。鐵之利多於銀也。後世蜀之卓氏。程氏。以鐵冶富。擬封君。則梁之利尤在於鐵也。織。皮者。梁州之地。山林為多。獸之所走。熊。羆。狐狸。四獸之皮。製之。可以為裘。其毳毛。織之。可以為罽也。○林氏曰。徐州貢浮磬。此州既貢玉磬。又貢石磬。豫州又貢磬。錯。以此觀之。則知當時樂器磬最為重。豈非以其聲角。而在清濁小大之間。最難得其和者哉。

**音**

**釋**

璆。音虬。玉磬。爾雅云。璆。琳。美玉也。說文云。璆。珠也。孔傳云。璆。玉名。皆不釋為玉磬。又陸氏

**音**

**釋**

璆。音虬。郎豆反。

引韋昭。郭璞。釋為紫磨金。則字當作鏤。音留。今按下文。既有磬。則此當為鏤。或為璆。而釋為珠玉也。走音奏。毳。充芮反。獸細毛也。罽。居例反。字本作罽。織。毛為布也。

西傾因桓是來。浮于潛。逾于沔。入于

渭。亂于河。

西傾。山名。地志在隴西郡臨洮縣。西今洮州臨潭縣西南。桓。水名。水經曰。西傾之南。桓水出焉。蘇氏曰。漢始出為漾。東南流為沔。至漢中。東行為漢沔。酈道元曰。自西傾而至葭萌。浮于西漢。西漢即潛水也。自西漢迤流而屆于晉壽界。阻漾枝津。南歷岡北。迤邐接漢沔。歷漢川。至于褒水。逾褒而暨于衙嶺之南。溪。灌于斜川。屈于武功。而北以入于渭。漢武帝時。人有上書欲通褒斜道。及漕事下。張湯問之。云。褒水通沔。斜水通渭。皆可以漕。從南陽上沔入褒。褒絕水至斜。間百餘里。以車轉從斜下渭。如此。則漢中穀可致。經言沔渭而不

書傳卷二

三三

言褒斜者。因大以見小也。褒斜之間。絕水百餘里。故曰逾。然於經文。則當曰逾于渭。今曰逾于沔。此又未可曉也。絕河而渡曰亂。釋音。傾。陸音窺。井反。漢讀曰傾。桓。胡官反。西傾之人。因桓水而來。通中國也。沔。彌充反。字旁從沔。非。他。刀反。迤邐。上移爾反。下力紙反。褒。補刀反。斜。余遮反。音與琅琊之琊同。秦谷口地名。南曰褒。北曰斜。上是掌反。潛。在到反。水。運也。轉朱戀反。見形向反。

黑水西河惟雍州

雍州之域。西據黑水。東距西河。釋音。雍。於謂之西河者。主莫都而言也。用反。雍。於西據孔傳云。西距黑水。東據河。蔡傳易置二字。以河之東即冀州也。餘見梁州。

# 弱水既西

柳宗元曰西海之山有水焉散渙無力不能負芥投之則委靡墊沒及底而後止故名曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西至合黎山與張掖縣河合又按通鑑魏太武擊柔然至粟水西行至菟園水分軍收討又循弱水西行至涿邪山則弱水在菟園水之西涿邪山之東矣北史載太武至菟園水分軍搜討東至瀚海西接張掖水北度燕然山與通鑑小異宣瀚海張掖水於弱水為近乎程氏據西域傳以弱水為在條支援引甚悉然長安西行一萬二千二百里又百餘日方至條支其去雍州如此之遠焉

豈應窮荒而導其流也哉其說非是

**音** 掖

## 書傳卷二

三四

亦吐谷渾胡昆反西北夷名矣今俗作兔非邪音耶瀚侯幹反燕因肩反傳柱總反應字聲

# 涇屬渭汭

涇渭汭三水名涇水地志出安定郡涇陽縣西今原州百泉縣峽頭山也東南至馮翊陽陵縣入渭今永興軍高陵縣也渭水地志出隴西郡首陽縣西南今渭州渭源縣鳥鼠山西北南谷山也東至京兆船司空縣入河今華州華陰縣也汭水地志作芮扶風汭縣弦蒲藪芮水出其西北東入涇今隴州汭源縣汭蒲藪有汭水焉周職方雍州其川涇汭詩曰汭鞠之即皆謂是也屬連

**釋** 屬音燭汭屬也涇水連屬渭汭二水也

**釋** 屬音燭汭如稅反

